

SOALAN LAZIM (FAQ)
BERKAITAN PELAKSANAAN END-TO-END (E2E) BAGI URUSAN CONSENT
PEJABAT PENGARAH TANAH DAN GALIAN WP

1. Apakah yang dimaksudkan dengan permohonan End to End (E2E) Consent?

Permohonan End to End (E2E) Consent bermaksud semua urusan bagi permohonan Consent dilaksanakan sepenuhnya secara dalam talian. Pemohon tidak lagi perlu hadir ke kaunter PPTG WP untuk berurusan.

2. Bilakah sistem E2E Consent akan dilaksanakan sepenuhnya secara dalam talian?

E2E Consent akan dilaksanakan sepenuhnya untuk semua urusan pada **30 Ogos 2022** kecuali untuk urusan **Kebenaran Perolehan Tanah oleh Warga Asing (KWA)** pada **27 September 2022**.

3. Adakah urusan boleh dibuat sekiranya tiada akaun pengguna Portal Awam e-Tanah PPTG WP?

Tidak boleh. Pemohon perlu mendaftar sebagai pengguna Portal Awam e-Tanah PPTG WP terlebih dahulu bagi mendapat id pengguna untuk akses ke perkhidmatan yang terdapat di Portal Awam e-Tanah.

4. Adakah permohonan E2E Consent boleh dibuat sekiranya cukai tanah / cukai petak belum dijelaskan?

Cukai tanah / cukai petak wajib dijelaskan sebelum membuat permohonan Consent.

5. Apakah kaedah pembayaran yang digunakan bagi perkhidmatan E2E Consent?

Pada masa kini, perkhidmatan E2E hanya menyediakan kemudahan bayaran melalui FPX (*Financial Process Exchange*).

6. Sekiranya pengguna terlepas/terlupa untuk mencetak resit bayaran, bolehkah cetakan tersebut dibuat semula?

Pengguna boleh mencetak semula resit bayaran pada kolumn Tindakan pada skrin Status Permohonan.

7. Bagaimanakah pengguna akan mendapat makluman berkenaan pertanyaan/inquiry oleh pihak PPTG WP?

Pengguna akan menerima pemakluman melalui e-mel dan laman notifikasi pada dashboard pengguna di Portal Awam e-Tanah.

8. Bagaimanakah pengguna akan menerima surat keputusan?

Pengguna akan menerima surat keputusan melalui dua (2) cara iaitu pada skrin Status Permohonan di Portal Awam e-Tanah dan juga melalui e-mel yang telah didaftarkan.

9. Bolehkan pemohon mencetak surat keputusan sendiri?

Pemohon boleh mencetak di atas kertas A4 biasa

10. Bolehkah surat keputusan dicetak secara hitam putih?

Ya, boleh. Surat keputusan boleh dicetak samada secara hitam putih ataupun bewarna.

11. Adakah hanya borang permohonan yang lengkap dan dicetak melalui Portal Awam e-Tanah sahaja yang boleh ditandatangani oleh anak guam?

Tidak. Jadual simpanan/cetakan sendiri boleh diguna pakai dengan syarat susunan dan struktur ayat adalah sama seperti yang diisi dan dilengkapkan dalam Portal Awam e-Tanah. Jadual tersebut mestilah lengkap diisi dan ditandatangani sebelum dimuat naik melalui Portal Awam e-Tanah.

12. Sekiranya pihak bank (bagi hakmilik yang mempunyai gadaian) tiada bantahan ke atas permohonan consent berkaitan, perlukah pihak bank kemukakan surat tiada bantahan tersebut untuk disertakan bersama permohonan tersebut?

Tidak. Tiada keperluan pemegang gadaian untuk kemukakan surat bantahan/tiada bantahan bagi permohonan Kebenaran Pihak Berkuasa Negeri (PBN).

13. Perlukah surat tiada bantahan disertakan dalam permohonan consent?

Tidak perlu.

14. Sekiranya terdapat kesilapan pada permohonan (borang lama) dan pembetulan pada permohonan telah dibuat dalam Portal Awam e-Tanah, perlukah borang baru tersebut dicetak dan ditandatangan semula?

Tidak, hanya perlu betulkan pada borang lama dan tandatangan ringkas (*initial*) pada perubahan yang telah dibuat. Kemudian, pengguna perlu pastikan maklumat pada borang lama adalah sama dengan maklumat yang dikemaskini di Portal Awam e-Tanah dan seterusnya muat naik semula borang tersebut di Portal Awam e-Tanah.

15. Berapakah tempoh masa untuk memproses suatu urusan permohonan yang lengkap?

Tiga puluh (30) hari bekerja.

16. Adakah terdapat had pada bilangan dokumen yang boleh dilampirkan?

Tiada had/tetapan pada bilangan dokumen lampiran (boleh lebih dari satu (1) fail lampiran). Namun, had saiz maksimum bagi satu (1) fail dokumen adalah 100mb.

17. **Jika pemilik merupakan warganegara asing yang berdaftar menggunakan nombor pasport lama, adakah perlu untuk dilampirkan surat akuan bagi mengesahkan pemilik pada pasport lama dan pasport baru adalah orang yang sama?**

Ya, pemohon perlu melampirkan surat akuan bagi mengesahkan pemegang pasport dahulu dan pasport baharu adalah orang yang sama.

18. **Bolehkah surat akuan ditulis dalam bahasa Inggeris?**

Boleh. Tiada halangan sekiranya surat akuan tersebut ditulis dalam bahasa Inggeris.

19. **Bagaimanakah cara bayaran kelulusan?**

Dua pilihan cara bayaran :

- Bayaran dibuat oleh pemohon di portal awam
- Bayaran melalui kaunter PPTG WP

20. **Apakah medium yang digunakan untuk makluman kepada pemohon selepas permohonan?**

- Emel pemohon.
- Notifikasi pada portal awam untuk maklumkan surat keputusan.